

MALAYSIA

**Warta Kerajaan**  
**SERI PADUKA BAGINDA**  
DITERBITKAN DENGAN KUASA

*HIS MAJESTY'S GOVERNMENT GAZETTE*  
*PUBLISHED BY AUTHORITY*

Jil. 27  
No. 10

12hb Mei 1983

TAMBAHAN No. 23  
AKTA

Akta-akta Parlimen yang berikut, yang telah diluluskan oleh kedua-dua Dewan Parlimen dan dipersetujui oleh Duli Yang Maha Mulia Seri Paduka Baginda Yang di-Pertuan Agong, adalah diterbitkan menurut Fasal (4) Perkara 66 dalam Perlembagaan:


The following Acts of Parliament passed by both Houses of Parliament and assented to by His Majesty the Yang di-Pertuan Agong, are published pursuant to Clause (4) of Article 66 of the Constitution:

No.	Tajuk ringkas
Akta A554 ...	Akta Bahasa Kebangsaan (Pindaan dan Perluasan) 1983. National Language (Amendment and Extension) Act 1983.
Akta A555 ...	Akta Racun (Pindaan) 1983. Poisons (Amendment) Act 1983.
Akta A556 ...	Akta Mahkamah Kehakiman (Pindaan) 1983. Courts of Judicature (Amendment) Act 1983.
Akta A557 ...	Akta Pertubuhan (Pindaan) 1983. Societies (Amendment) Act 1983.

No.

Tajuk ringkas

- Akta A558 ... Akta Audit (Pindaan) 1983.  
Audit. (Amendment) Act 1983.
- Akta A559 ... Akta Perbekalan Tambahan (1982) 1983.  
Supplementary Supply (1982) Act 1983.
- Akta A560 ... Akta Lembaga Pelabuhan (Pindaan) 1983.  
Port Authorities (Amendment) Act 1983.
- Akta A561 ... Akta Perkapalan Saudagar (Pindaan) 1983.  
Merchant Shipping (Amendment) Act 1983.
- Akta A562 ... Akta Perbadanan Kemajuan Kraftangan  
Malaysia (Pindaan) 1983.  
Perbadanan Kemajuan Kraftangan Malaysia  
(Amendment) Act 1983.
- Akta A563 ... Akta Lalulintas Jalan (Pindaan) 1983.  
Road Traffic (Amendment) Act 1983.
- Akta A564 ... Akta Kerajaan Tempatan (Pindaan) 1983.  
Local Government (Amendment) Act 1983.
- Akta A565 ... Akta Perempuan Bersuami (Pindaan) 1983.  
Married Women (Amendment) Act 1983.



# **UNDANG-UNDANG MALAYSIA**

**Akta A562**

**AKTA PERBADANAN KEMAJUAN  
KRAFTANGAN MALAYSIA (PINDAAN) 1983**



Tarikh Persetujuan Diraja ... 11hb Mei 1983

Tarikh diterbitkan dalam *Warta* ... 12hb Mei 1983

Solo 21/5/83

REKOD KEMENTERIAN KEMAMPUAN  
KORPORASI MALAYSIA

# UNDANG-UNDANG MALAYSIA

Akta A562

## AKTA PERBADANAN KEMAJUAN KRAFTANGAN MALAYSIA (PINDAAN) 1983

Suatu Akta untuk meminda Akta Perbadanan Kemajuan Kraftangan Malaysia 1979.

[ 1. 9. 1980 ]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Perbadanan Kemajuan Kraftangan Malaysia (Pindaan) 1983 dan hendaklah disifatkan telah mula berkuatkuasa pada 1hb September 1980. Tajuk ringkas dan mula berkuatkuasa.
2. Seksyen 2 Akta Perbadanan Kemajuan Kraftangan Malaysia 1979, yang disebut "Akta ibu" dalam Akta ini, adalah dipinda— Pindaan seksyen 2. Akta 222.
  - (a) dengan menggantikan noktah di hujung takrif "perusahaan kraftangan" dengan koma bertitik; dan
  - (b) dengan memasukkan takrif yang berikut selepas takrif "perusahaan kraftangan":  

"syarikat" ertinya sesuatu syarikat yang diperbadankan menurut Akta Syarikat 1965."

Akta 125.
3. Seksyen 8 Akta ibu adalah dipinda— Pindaan seksyen 8.
  - (a) dengan memotong perkataan "dan" selepas koma bertitik dalam perenggan (i);
  - (b) dengan menggantikan noktah di hujung perenggan (j) dengan koma bertitik; dan

(c) dengan memasukkan yang berikut selepas sahaja perenggan (j):

“(k) menerima, sebagai balasan bagi perkhidmatan-perkhidmatan yang diberikan oleh Perbadanan, apa-apa komisen atau bayaran yang telah dipersetujui; dan

(l) menetapkan dan melewi fee-fee atau lain-lain caj mengenai kemudahan-kemudahan, perkhidmatan-perkhidmatan, loji, jentera, peralatan, alat-alat dan bahan-bahan mentah yang diadakan oleh Perbadanan dalam melaksanakan tugas-tugasnya dan menjalankan kuasa-kuasanya di bawah Akta ini.”.

Pindaan  
seksyen 9.

4. Seksyen 9 Akta ini adalah dipinda dengan menggantikannya dengan seksyen yang berikut:

9. (1) Perbadanan boleh dari semasa ke semasa dengan kelulusan Menteri dan persetujuan Menteri Kewangan—  
Kuasa menubuhkan anak perbadanan dan syarikat.

(a) melalui perintah yang disiarkan dalam *Warta*, menubuhkan suatu anak perbadanan dengan apa-apa nama yang difikirkan patut oleh Perbadanan;

(b) menubuhkan atau menggalakkan penubuhan suatu syarikat dengan apa-apa nama yang difikirkan patut oleh Perbadanan; atau

(c) mengambil alih sesuatu syarikat, untuk menjalankan dan menjaga, mengelola, dan mengurus apa-apa projek, skim atau enterprais yang telah dirancang atau dijalankan oleh Perbadanan dalam melaksanakan tugas-tugasnya di bawah seksyen 7 atau dalam menjalankan kuasa-kuasanya di bawah seksyen 8.

(2) Peruntukan-peruntukan Jadual adalah terpakai bagi tiap-tiap anak perbadanan yang ditubuhkan oleh Perbadanan di bawah subseksyen (1) dan peruntukan-peruntukan Akta Syarikat 1965 adalah terpakai bagi tiap-tiap syarikat yang ditubuhkan atau diambil alih oleh Perbadanan di bawah subseksyen (1).”.

Akta 125.

PERBADANAN KEMAJUAN KRAFTANGAN MALAYSIA 5  
(PINDAAN)

5. Perenggan (b) subseksyen (3) seksyen 15 Akta ibu adalah dipinda dengan menggantikannya dengan perenggan yang berikut: Pindaan seksyen 15.

“(b) memberi pinjaman atau modal kepada—

(i) mana-mana anak perbadanan yang ditubuhkan atau akan ditubuhkan di bawah seksyen 9; atau

(ii) mana-mana syarikat yang ditubuhkan atau diambil alih oleh Perbadanan di bawah seksyen 9.”

6. Seksyen 18 Akta ibu adalah dipinda dengan menggantikannya dengan seksyen yang berikut: Pindaan seksyen 18.

“Akta 18. Akta Badan Berkanun (Akaun dan Laporan Tahunan) 1980 adalah terpakai mengenai Perbadanan.”  
Badan Berkanun (Akaun dan Laporan Tahunan) 1980.  
Akta 240.